

分部本草妙用

四



分部本草妙用卷之七

古吳友七散人顧逢伯君升父纂

兼經部

寒瀉

前胡

苦甘辛微寒無毒 陽中之陰降也入手足太陰
陽明四經半夏爲使惡皂莢畏藜蘆去皮竹瀝浸
潤晒乾用



主治痰滿結氣霍亂轉筋喘嗽安胎小兒疳氣下
食止兒夜啼清肺熱化痰熱散風邪

時珍曰前胡主降與柴胡純陽上升者不同長於
下氣故能治痰熱喘嗽及痞膈嘔氣下則火降痰
消矣然雖痰氣要藥惟火因風動者宜之不然亦
戕冲和之氣不利於虛人。

柴胡

苦甘微寒無毒入肝膽心胞三焦四經畏使同

前胡

主治結氣積聚寒熱邪氣推陳致新傷寒煩熱

實水腫濕痺拘攣熱勞消食暢氣

潔去潮熱膽

產前後諸熱胸脇痛四經相火頭痛熱入血室痘

疹餘熱五疳羸熱諸瘧寒熱

東垣曰引清氣而行陽道傷寒外諸有熱則加之

無熱則不加也又引胃氣上升而行春令者宜加

之諸瘧以柴胡爲君瘡疽以柴胡散熱然而時珍

以勞熱在肺腎者不可用也孫琳以之治皮膚臃

腫骨髓之熱皆驗尤以爲銀柴胡力厚用之更捷

在用者精思病原加減佐使可也。寇氏不分經絡有熱無熱，乃謂概不治勞，殊非通論。

紫草

苦寒無毒。入手足厥陰二經。蠟二兩，溶水拌蒸，水乾去頭髭剉用。

主治 心腹邪氣，利九竅，利大腸，治斑疹痘毒，活血涼血，瘡疥及傷寒斑毒。

按紫草爲痘家長藥。然痘疹初出血熱毒盛，大便悶澀者急用之。已出而紫黑便結者亦宜用。若紅



潤及白陷。大便利者。用之反能作瀉。故直指方以
木香白朮佐之。恐其寒洩而濟之以溫補也。當審
明用之。無悞。

香附

苦微寒無毒。入肝肺二經。兼行十二經。入脉氣

分。童便炒用。四製法。童便米泔酒醋浸炒用。

主治客熱憂鬱。霍亂吐瀉。腎膀胱氣。治一切氣解

六鬱。利三焦。胎產百病。婦人仙藥。開胸膈降痰熱。

治崩漏。

按香附爲血中氣藥也。生則上行胃膈外達皮膚。熟則下走腎肝。外徹腰足。炒黑則止血。便炒則入血分補虛。鹽水炒入血分潤燥。青鹽炒則補腎。酒浸炒則行經絡。醋炒則消積聚。薑汁炒化痰得參朮而補氣。同歸芎而補血。隨用皆妙。氣藥中神劑也。獨用久用反能害血。隨爲佐使到處成功。靈妙何可盡述。

大青小青

苦寒無毒

主治時氣頭痛大熱發斑狂躁熱毒溫疫黃疸

痺 小青搗傅癰腫甚効治血痢解蛇毒

古方傷寒黃汗黃疸頭目強腰脊痛發狂發躁但
用大青指掌云。大青升麻可回危篤而知大青爲
傷寒要藥也更能清痰去火爽神人所未知

燈心

淡寒無毒

主治五淋瀉肺治陰清心火喉痺燒灰吹之妙灰

塗乳上止小兒夜啼灰入輕粉麝香治陰疳

凡諸熱症不犯風邪者。加用之良。

車前子

甘寒無毒。常山爲使。入湯炒用。爲末酒炒。

主治 利水道除濕痺養肺養肝一切目疾及心胸煩熱治暑濕瀉痢尤神。

車前子能利小便而不走真氣。與茯苓同功。佐補藥以合服食。何病之不利也。爲末治痢。常見奇功。不獨歐陽公之見効也。分陰陽者先之。

青黛

鹹寒無毒

〔主治〕散熱驚癇天行頭痛寒熱水研服之磨傅瘡

腫金瘡蛇毒犬咬小兒疳熱殺蟲瀉肝散五臟鬱

火吐血咯血陰瘡斑毒殺惡蟲治濕毒

青黛爲解毒清熱要藥。主治病症皆其長技也。予

以之治傷寒發狂斑毒鼻血下血之症投之屢効。

實消斑解熱毒靈丹

大黃

苦寒微毒。入脾胃大腸心。絕絡五經。黃芩爲使。



忌冷水惡乾漆。出莊浪錦紋者佳。

主治瘀血血閉癥瘕積聚。畱飲宿食蕩滌腸胃。推

陳致新通利水穀安和五臟實痰結積閉脹平胃

下氣利水腫貼腫毒治下痢裏急腹痛黃疸諸火

瘡。

按大黃爲五經血分之藥。病在血者宜之。若居氣

分誤用。便傷生命矣。仲景瀉心湯治心氣不足吐

血衄血者脾胃肝心胞邪火有餘也。故黃芩救肺。

黃連救肝肝肺之火退而陰血復舊矣。大黃黃連



瀉心湯治心下痞滿。亦瀉脾胃濕。非瀉心也。病發于陰而反下之。則痞滿乃營邪氣乘虛聚于上焦。胃脘在心。故曰瀉心。實瀉脾胃也。病發于陽而反下之。則結胸。此熱邪陷入血分。亦居上脘大陷胸。用大黃亦瀉脾胃血分之邪也。若結胸在氣分。只用小陷胸。痞滿在氣分。只用半夏瀉心湯矣。惟量血分氣元虛不虛。虛用之得中。奇効倍常。古人了然于氣血虛實之故。認得真。用得當。用之故不爲奇。奏効時見其長也。若用奇兵猛將。斬關搴旗。定

禍亂以致太平。以毒攻毒之藥也。畏而不用。曾見賦詩可以退虜耶。

牽牛

苦寒有毒。春去黑皮。用得青木香。乾薑良。

主治下氣。水腫。除風毒。利大小便。治痞癖氣塊。落胎。瀉蠱毒。氣壅滯。除氣分濕熱。三焦壅結。逐痰消飲。通大腸氣。秘風秘殺蟲。達命門。

按牽牛大洩元氣。古人禁用。時珍曰。治水氣在肺。喘滿腫脹。下焦鬱遏。腰背脹重。及大腸風秘氣秘。

紫葳花

卓有殊功。但病在血分。及脾胃虛弱。而痞滿者。則不可用。然而專達右腎命門。走氣分。通三焦氣滯。逐痰消飲。及精道爲濕熱壅脹。大小便不通者。此受病不在大腸膀胱。而在二陰之間也。同茴香穿山甲諸藥入牽牛加倍。則良愈。天真丹同補腎諸藥鹽水炒用。東垣治脾濕鼓脹。海金沙散亦以牽牛爲君。此補瀉兼行之妙。未可以性猛而棄絕之。

酸微寒。無毒。

入手足厥陰經。聞之傷腦。花上露。

水入目昏矇

〔主治〕產乳崩中寒熱血閉腸中結實產後崩淋治喉痺熱痛涼血生肌。

按凌霄花及根行手足厥陰血分藥能去血中伏火。凡血熱症產乳崩漏諸疾皆効。

海藻

苦鹹寒無毒 反甘草隨引經藥入十二經

〔主治〕癭瘤結核癰腫下十二水腫療皮間積聚疝氣卵腫腹鳴五膈痰壅症。

海藻鹹能潤下。又能軟堅。寒能洩熱。又能引水。故能消癭瘤結核陰癰之堅聚。而除浮腫脚氣留飲痰氣之濕熱。使邪從小便出。各隨引經藥而奏効。逐皮間水。消膜外痰之要藥也。

昆布

鹹寒。滑微毒。

主治與海藻同功。但昆布下氣久服瘦人。無此疾者不可食。

枳殼

苦微寒無毒 入肺脾胃大腸四經陳久者佳

主治通關節散結痰逐水消脹下氣消食多損至

高之氣瘦胎消腫

枳實

苦寒無毒

主治脹滿心下急痞痛逆氣脇風痛解傷寒結胸

上氣喘欬破堅積去胃中濕熱

按枳殼為下氣寬胸上焦瀉氣要藥枳實功彷彿

而性尤猛有沖牆倒壁之力滑竅破氣之功但殼

